

Bájkkeavijssa NuorttaSálto



Plass til flere. I Sámásta I er det fem elever, tre var bortte da Lokalavisa stakk innom. Foran Ragnhild Orndal (35), tv, Brit Renate Kibsgård (26) og lærer May-Judith Haukeland Amundsen. –Det er flinke og motiverte elever, skryter læreren. –Det er fint at det gis undervisning på dagtid, det gjør det enklere i forhold til familien, mener de to mødrene, som har satt seg fore å påvirke sine barn til å lære samisk.

Dåssju muhtem gallegattja giellakursajda oassálassti

Moadda rabás saje li goappátja julevsáme giellakursajn

Sámegiela

- Gávnnuji aktse sámegiela
- Ienemus ájtedum giellajuogos Europan
- Moadda tuvsán jahkásasj histávrrá
- Dábe milta klassifiseriduvvam oassen suoma-ugralasj oavses urála giellamáddagis.
- Sámegiela li álu gasskasattjat dádjadahtes
- Aneduvvi iesjguhtik giellan, ij giellasuorggen avtat gielas
- Jagen 1992 mierreduvvin duoddemær-rádusá sámeláhkaj biehtsemáno 12. Biejve 1987 rájes. Láhka mierret sámé- ja dárogiela li dásseárvvusasj giela, ja muhtem lagábut mierreduv háladadim-guovlon le sámegiella dárogielajj dássásattjan almulasj aktijvuodan.
- Jagen 2000 merustaláduváj sulle 25.000 sámásti Vuonan. Nuorttasámegiella dat ienemusát gullu.
- Ádá giellaguoradallam ávddán buvteduvvá 2012 biehtsemáno.

Árran le vuoratjismáno rájes guokta Sámásta-kursajt tjadádam gasskavahkojt ja duorastagájt juohkka vahko. Kursa vihpi 12-13 vahko 3 máno bádjel. Sámásta I le sidjij gudi e ávvánis sámegiela buvte, madi Sámásta II kursasj le vuostasj kurssa vuodon, ja sidjij gudi vehi sámegiela juo ávduhtis bukti. Kursa li biejeven ja áhpadibme le álless-jattugijda. Kursa li hiebadum sidjij gudi li diededam, ja gájkajda rabás ja hiehpi álggijda ja sidjij gudi juo vehi bukti. Kursa li navti, madi oassálasste iesj oahpponævoj ávdás máksi. Valla vájku Árran le gæhttjalim hiebadit buoremus láhkáj de ælla jur dievas kursa.

-Lulujma gal 30 oassálasstij nagádit, javllá Samuel Gælok, guhti sávvá ienebu lulujin kursajda oassálasstet. Goappátja kursajn li tjoahkkáj 10 oassálasste, vihtta guhtik.

-Gæhttjalip buoremus láhkáj kursajt stuoves ájgijn tjadádit ja hárrjånám dábijda oadtjot. Valla kursa li prosjevtajda tjanádum. Doarjja Nordlándá fylkkasuohkanis ja Sámedikkes vatteduvvá mañnel gá kursa li jáhtuj

biejaduvvam. Beras lulujin stuoves ájge ja stuovas doarjja, oajvvat Gælok.

Dálven le aj Sámásta 3-kurssa læhkám iehkedijt sidjij gudi sihti dav bargo maDálven le aj Sámásta 3-kurssa læhkám iehkedijt sidjij gudi sihti dav bargo ma -Gæhttjalip aj Sámásta 4-kursav ásádit, javllá Gælok.

-*Gáktu dán jáhká galggá ienep oassálasstijt oadtjot?*

-Jáhkáv aj le ruhtadile duogen fámiljajda. Jus lidjin permisjávnav oadtjot aktan báلكkáj de lij dat álov tjoavddám. Jus duola dagu Divtasvuona suohkan, mij le sámegiela háladadimguovlon, lij máhttet vaddet friddja aktan báلكkáj, sierraláhkáj barggijda varresvuoda- ja hüksosuorgen ja bajássjaddamsuorgen, de lidjin ienebu sijájs oassálasstet, miejnni Gælok. Áhpadus le navti jut oassálasste hæhttuji iesj barggat vehi tjáhkanimij gaskan.

-Gájbbeduvvá oassálasste barggi viehka álov aktu, sihke giellaáhpajn, bágoj ja dahkamusáj. Sierraláhkáj nuorajt áhtsáp, vuogas jus æjgáda gejn li smáv mánátja

gudi galggi gielav vijddásappot boahnte buolvajda sirddet, lähpat Gælok.

Ruoppsislistan

Sámegiella le UNESCO ruoppsis listan ájtedum giela. Guovte vahko duogen ávddán biedjá sámedikkeráde muhtem varás guoradallamav mij vuoset sámegiela dilev uddni. Moatten sajen Vuonan li sámegiela hoallij láhko alvos láhkáj binnum. Ragátmánon galggá Sámedigge giehtadallat muhtem diedádusáv giela gáktuj. Akta dájmajs majna politihkkára li barggamin le oadtjot ienebujt sámástittjat. Ráddidus le aj diededam dárba samegiela ienebut vuorodit. Sámegielaj doajmmaplánan javllá ráddidus ierit ietján:

«Sámegiela boahnteájev nannit gájb-bet aj ájnegis sámes jut sán iesj gæhttjal ietjas máhtudagáv nannit ja ávddánahttet, gielav adnet nav moadda aktijvuodan dagu vejulasj, ja nav guhkás gá vejulasj sámegiela lastis boahnte buolvajda sirddet.»